



Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

Quòd episcopis dominus ad glorificandum se elegerit, & quòd omnes principes terræ eis obedire oporteat, & capita sua submittere. cxxvi.

urn:nbn:de:hbz:466:1-10722

D. BURCHARDI EPIS. VVORMAC.

*De Episcopis qui se à fratrum adiutorio
subtraxerint. Cap. CXXIX.*

*Ex decr.
Alexan
dri pap.
cap. 30.
omnibus
episcopis
missis.*

QVI autem ex vestro collegio fuerit, & ab auxilio vestro se subtraxerit, magis schismaticus quam sacerdos esse probabitur. Ecce, inquit Propheta, quam bonum, & quam iucundum habitare fratres in vnu. Illi verò non in vnum habitant, qui à fratrum se solatio subtrahunt, & quod deterius est, fratribus insidias præparant, aut laqueos ponunt. Itè post pauca: Nos ergo qui discipuli domini, & dici, & esse cupimus, portare crucè domini, & compati fratribus debemus, & non quascunq; eis insidias aut foueas præparare: quia talionè meretur, qui fratribus foueam parat. Nolite errare, fratres, quia Deus non irridetur. Huius rei gratia vobis dominus commisit Ecclesiam suam, vt pro omnibus laboretis, & cunctis oppressis opem ferre non negligatis. Vnde & dominus per Prophetam loquitur, dicens: Hæc dicit dominus: Iudicate mane iudiciũ, & eruite vi oppressos de manu caluniãtis, ne fortè egrediatur quasi ignis indignatio mea, & succendatur, & non sit qui extinguat. Vos ergo qui in summa specula à domino cõstituti estis, attendere eos, & opprimere oportet, qui in fratres seditiones & scandala excitant, ne simul cum eis pereatis.

*De episcopis qui se quasi canino dente inuicem
corroserint. Cap. CXXX.*

*Ex eisdẽ
ad eosdẽ,
cap. 18.*

SI verò, quod absit, discordes fueritis, & canino dente vos derodere cœperitis, non solùm eos non superabitis, sed & vobisipsi nocebitis, atque ab eis superabimini, & nocenter fortè peribitis.

De episcopis qui fratribus nocere desiderant. Cap. CXXXI.

*Ex decr.
Bonif. cõj
pape.*

Sicut omnis qui diligit fratrem suum, ex Deo est: ita omnis qui odit proximũ, ex diabolo est. Dilectione enim sola discernitur quis, ex quo genitus approbetur, dicente Ioanne: In hoc manifesti sunt filii Dei, & filii diaboli. Omnis qui non facit iustitiam, ex Deo non est, & non diligit fratrem suum. Quoniam hæc est annunciatio quam ab initio audistis, vt diligatis alterutrum. Et post paululum: Omnis qui odit fratrem suum, homicida est. Et scitis quoniam omnis homicida, non habet vitã æternam in se

bellantis aduersum te. Omnes ergo qui eis contraeunt, ita damnatos & infames vsque ad satisfactionem monstrabat: & nisi conuerterentur, à liminibus Ecclesiae alienos esse praecipiebat.

Quod episcopi clauis sint Ecclesiae, & habeant potestatem claudere caelum, & aperire portas eius. Cap. CXXV.

Sanctam ergo Ecclesiam immaculatam omnes seruare debere euangelizabat, cuius clauis episcopos esse dicebat. Ipsi enim habent potestatem claudere caelum, & aperire portas eius, quia clauis caeli facti sunt. Amouere autem eos neminem debere docebat quia oculi domini sunt, & qui eos tangit, tangit pupillam oculi eius. Et quanta poena dignus sit, qui eos scandalizat, ipsum dominum docuisse dicebat, ubi ait: Qui scandalizauerit unum de pusillis istis, qui in me credunt, expedit ei ut suspendatur mola asinaria in collo eius, & demergatur in profundum maris.

Quod episcopus dominus ad glorificandum se elegerit, & q omnes principes terrae eis obedire oporteat, & capita sua submittere. Cap. CXXVI.

Ad glorificandum se, & diuina mandata seminanda & euangelizanda episcopos dominus elegit, & non ut prohibeantur, aut perturbentur aiebar. Quoniam qui eos laedit, eum laedit, cuius legatione funguntur. Praedicare eos assidue, & mandata domini sine intermissione annunciare rogabat. Opera eorum bona coram hominibus monstrare, & conscientiam bonam coram deo habere insinuabat.

De episcopis quod se inuicem diligere debeant. Cap. CXXVII.

Episcopos ergo vice apostolorum gerere dominum docuisse dicebat, & reliquorum discipulorum vicem tenere presbyteros debere insinuabat: & si quis aliquem ex his scandalizaret, grauissimam sibi poenam inferri debere praedicabat. Custos se inuicem diligere, & adiuuare debere, & neminem ab adiutorio fratris se subtrahere instruebat.

Vt episcopus episcopum alium non conculcet. Cap. CXXVIII. Ex concil.

Vt nullus Episcopus alium episcoporum conculcet, eumque calumniari vel iniuriari praesumat. Quod si fecerit, gradus sui periculo subiacebit.